

史

通

訓

故

補

史通訓故補卷之七

北平黃叔琳崑圃補註

海虞顧鎮備九叅訂

休寧汪良受修潔同訂

品藻第二十三

蓋聞方以類聚物以羣分薰蕕不同器臬鸞不比
翼若乃商臣冒頓南蠻北狄萬里之殊也伊尹霍
光殷年漢日千載之隔也而世之稱悖逆則云商
冒論忠順則曰伊霍者何哉蓋厥跡相符則雖隔

越為偶、奚必差肩步武、方稱連類者乎、史氏自遷
固作傳、始以品彙相從、然其中或以年世迫促、或
以人物寡鮮、求其具體必同、不可多得、是以韓非
老子共在一篇、董卓袁紹無聞二錄、豈非韓老俱
稱述者、書有子名、董袁並曰英雄、生當漢末、用此
為斷、粗得其倫、亦有厥類眾夥、宜為流別、而不能
定其同科、申其異品、用使蘭艾相雜、朱紫不分、是
誰之過歟、蓋史官之責也、案班書古今人表、仰包
億載、旁貫百家、分之以三科、定之以九等、其言甚

於賦六名者
焉得免於紕
紕

高其義甚愜、及至篇中所列、奚不類於其叙哉、若

孔門達者、顏稱殆庶、至於他子、難為等差、今乃先

伯牛而後曾參、進仲弓而退冉有、伯牛仲弓並在第二等、曾參冉

有並在第一等也求諸折中、厥理無聞、又楚王過鄧、三甥

欲殺之、甥、養甥、鄧侯不許、卒亡鄧國、今定鄧侯入

下愚之上、即第七等夫寧人負我、為善獲戾、持此致尤

將何勸善、如謂小不忍、亂大謀、失於用權、故加其

罪、是則三甥見幾而作、決在未萌、自當高立標格、

寘諸雲漢、何得止與鄧侯鄰伍、列在中庸下流、而

已哉

三甥皆在第六等

又其叙晉文之臣佐也舟之僑為

上陽處父次之士會為下

舟之僑在第三等陽處父在第四等士會在第五等

其述燕之賓客也高漸離居首荆軻亞之秦武

陽居末

高漸離在第五等荆軻在第六等秦武陽在第七等其並是非瞽亂

善惡紛拏或珍瓠甌而賤璫璵或策駑駘而捨騏

驥以茲為監欲誰欺乎又江充息夫躬讒諂惑上

使禍延儲后毒及忠良論其奸凶過於石顯遠矣

而固叙之不列佞幸楊王孫裸葬悖禮狂狷之徒

考其一生更無他事而與朱雲同列冠之傳首不

秋胡妻不免
賢智之過耳
其拒泉下之
挑揮全不覺
可謂身之察
察不受物之
汙沒者矣謂
之頑悍毋乃
久信

其穢歟若乃旁求別錄側窺雜傳諸如此繆其累
實多案劉向列女傳載魯之秋胡妻者尋其始末
了無才行可稱直以怨懟厥夫投川而死輕生同
於古冶殉節異於曹娥此乃凶險之頑人強梁之
悍婦輒與貞烈為伍有乖其實者焉又嵇康高士
傳其所載者廣矣而顏回蘧瑗獨不見書蓋以二
子雖樂道遺榮安貧守志而拘忌名教未免流俗
也至如董仲舒揚子雲亦鑽仰四科驅馳六籍漸
孔門之教義服魯國之儒風與此何殊而並可甄

錄夫回瑗是棄而揚董獲昇可謂識二五而不知

十者也爰及近代史臣所書求其垂失亦徃徃而

有借如陽瓚效節邊城捐軀死敵當有宋之代抑

劉卜之徒歟

劉謂劉康祖
謂卜天與

而沈氏竟不別加標榜

唯寄編於索虜篇內紀僧珍砥節礪行終始無瑕

而蕭氏乃與羣小混書都以恩幸為目王頔文章

不足武藝居多躬詣戚藩首階逆亂撰隋史者如

不能與臬感並列

隋世皆謂楊
玄感為臬感

即宜附出楊諒傳

中輒與詞人共編

隋世列王頔
在文苑傳也

吉士為伍凡斯纂

錄豈其類乎子曰以貌取人失之子羽以言取人失之宰我光武則受誤於龐參曹公則見欺於徐張當作邈列在方書惟善與惡昭然可見不假許郭之深鑒裴王之妙唇而作者存諸簡牘不能使善惡區分故曰誰之過歟史官之責也夫能口申藻鏡區別流品使小人君子臭味得朋上智中庸等差有叙則懲惡勸善永肅將來激濁揚清鬱為不朽者矣

春秋左傳初楚成王將以商臣為太子子上曰是人也蜂目而豺聲忍人也不可立也弗聽既

又欲立職而黜商臣商臣以宮甲圍王王繼
前漢書頭曼單于立太子曰冒頓後愛閼氏生
少子頭曼欲廢冒頓而立少子乃使冒頓質于
月支冒頓亡歸射殺頭曼而自立
前漢書古今人表有上中下三科上上上中至
下下凡九等

春秋左傳楚文王伐申過鄧鄧都侯曰吾甥也
止而享之聃甥聃甥養甥請殺之鄧侯弗許曰
人將不食吾餘對曰若不從三臣抑社稷實不
血食而君焉取餘弗從楚子伐鄧滅之

春秋左傳舟之僑號大夫奔晉文公立為戎右
城濮之戰舟之僑先歸秋七月丙申振旅凱以
入於晉殺舟之僑以徇

春秋左傳文公五年陽處父聘于衛甯羸從之
及濕而還其妻問之曰以劉商書曰沉潛剛克
高明柔克夫子一之其不沒乎

史記秦并天下逐太子丹荆軻之客皆亡高漸
離變名姓為人傭始皇聞而赦之乃矐其目使

擊筑稍進得近舉筑朴秦皇帝不中被誅
史記荆軻者衛人為燕太子丹報秦獻燕督亢
之地圖圖窮而匕首見秦王驚自引去軻被殺
史記荆軻之報秦也燕國有勇士秦舞陽年十
三殺人不敢忤視乃令舞陽為副武陽史記
作舞陽
前漢書江充字次通邯鄲人歷官水衡都尉後
為使者治巫蠱為戾太子所誅太子兵燹逃至
湖陰自經死
前漢書息夫躬字子微河陽人以告東平王雲
祝詛事封宜陵侯後以祝盜為人所告逮係志
死

前漢書石顯字君房濟南人坐法腐刑元帝時
為中書令初元中蕭望之周堪劉更生建言宜
罷中書官應古不近刑人之義與顯忤後陷望
之自殘堪更生廢不復用
列女傳魯秋胡潔婦者秋胡子之妻娶五日而
官于陳五年乃歸未至家見道傍採桑婦人悅

而以金挑之。不受。歸家奉其金遺母。婦至則向
採桑者也。婦曰：去親五年，及還當見親戚。今乃
悅道傍婦人而下子之裝，以與之，是忘母不孝
也。妾不忍見不孝之人，遂投河而死。
晏子春秋：公孫接田開疆，古冶子，事景公，勇而
無禮。晏子言于公，餽之以二桃。曰：計功而食，接
與疆爭功而慚，自刎死。冶曰：二子死之，冶獨不
速，亦刎而死。
後漢書：孝女曹娥，上虞人，父盱為巫，迎神溺死，
不得其尸。娥年十四，沿江號哭，旬有七日，遂投
江而死。
宋書：王景度為東郡太守，守滑臺，戍主虜悉力
攻滑臺城，東北崩壞。景度出奔，司馬陽瓚堅守，
不動。衆潰，抗節不撓，為虜所殺。
南史：劉康祖，彭城呂人，歷官左軍將軍。文帝北
伐，康祖率豫州軍出許洛，至壽昌，為魏永昌王
所圍。康祖中流矢死。魏人傳其首面如生。
南史：卜天與，餘杭人。元嘉中，為廣威將軍。元凶

入弑舊將羅訓等皆望風屈謝天與不暇被甲疾驅出戰手射劔于東堂幾中逆徒擊之臂斷乃見獲

南史紀僧珍丹陽人容貌言吐雅有士風齊明

帝時兼司農出為廬陵內史卒于官

北史王頴字景文太原人梁將王僧辨之子入

隋投漢王諒府參軍時諒見房陵及秦蜀二王

相次廢黜潛有異志頴陰勸諒繕甲兵及文帝

崩諒遂反多頴之計也兵敗自殺隋書列孝行

傳

隋書楊玄感楚公楊素之子以父軍功位柱國

煬帝征遼東令於黎陽督運遂謀反兵敗自殺

隋書楊諒字德章文帝之子開皇元年立為漢

王文帝崩使屈突通徵之不赴遂反楊素擊之

兵敗降以幽死

魏志張邈字孟卓東平壽張人太祖表紹皆與

邈友太祖征陶謙勅家曰我若不還往依孟卓

及還垂泣相對其親如此後陳宮說邈舉兗州

迎呂布。邈遂叛。故評云。昔漢光武謬于龐萌。近魏太祖亦蔽于張邈。知人則哲。惟帝難之。此張邈。非徐邈也。其徐邈。字景山。薊人。魏國初建。為尚書郎。以醉酒免。無見欺事。

後漢書。許劭。字子將。汝南平輿人。好人倫。多所賞識。若樊子昭。和陽士。皆顯名于世。與郭有道。齊名。故天下言拔士者。咸稱許郭。晉書。裴楷與王戎俱為吏部郎。楷有知人之鑒。鍾會。山濤。皆所賞識。文皇輔政。鍾會薦之。曰。裴楷清通。王戎簡要。

補注

漢書。霍光。字子孟。為大司馬。大將軍。受遺詔。輔少主。封博陸侯。元平元年。昭帝崩。亡嗣。光承皇太后詔。迎昌邑王賀。既至。即位。行淫亂。光憂懣。大司農田延年曰。伊尹相殷。廢太甲。以安宗廟。將軍若能行此。亦漢之伊尹也。光即與羣臣具白。太后乃詔賀歸昌邑。史記。老莊申韓列傳。老子者。楚苦縣厲鄉曲仁。

里人。姓李氏。名耳。字伯陽。謚曰明。周守藏室之
吏也。著書上下篇。言道德之意。五千餘言。莫知
其所終。韓非者。韓之諸公子也。喜刑名法術之
學。而其師本于黃老。數以書諫韓王。韓王不能
用。故作孤憤。五蠹。內外儲說林。說難。十餘萬言。
秦王見孤憤。五蠹之書。曰。寡人得見此人。與之
遊。死而不恨矣。因急攻韓。韓王迫遣非。至秦。秦王
悅之。未信用。李斯。姚買毀之。下吏治非。李斯使
人遺非藥。使自殺。
魏志。董二。袁劉傳。董卓。字仲穎。隴西臨洮人。袁
紹。字本初。汝南汝陽人。事並見前。
春秋左傳。僖公二十八年。城濮之戰。師還。濟河。
舟之僞先歸。士會攝右。注曰。士會隨武子士為
之孫。又文公六年。晉襄公卒。使先蔑士會如秦。
逆公子雍。七年。秦康公送公子雍于晉。晉敗秦
師于令狐。先蔑奔秦。士會從之。又十三年。晉人
患秦之用士會也。乃使魏壽餘偽以魏叛者。誘
士會。履士會之足于朝。壽餘曰。請東人之能與。

二三有司言者。吾與之先使士會。乃行。
漢書楊胡朱梅云傳。揚王孫者。孝武時人。學黃
老之術。家業千金。自奉養生。亡所不致。及終。命
子熹。葬朱雲。字游。魯人也。元帝時。五鹿充宗貴
幸。為梁邱易。諸儒莫能與抗。會有薦雲者。召入
論難。連拉五鹿君。諸儒為之語曰。五鹿嶽嶽。朱
雲折其角。至成帝時。上書求見。願賜尚方劍。斬
安昌侯張禹。上大怒。御史將雲下。雲攀殿檻。檻
折。年七十餘。終于家。
漢書董仲舒。廣川人。天子以為江都相。復使相
膠西王壽終于家。揚雄傳。雄字子雲。蜀郡成都
人。以為經莫大于易。故作太元傳。莫大于論語。
作法言。王莽時。召為大夫。年七十一。天鳳五年
卒。

直言第二十四

夫人稟五常士兼百行邪正有別曲直不同若邪曲者人之所賤而小人之道也正直者人之所貴而君子之德也然世多趨邪而棄正不踐君子之跡而行由小人者何哉語曰直如弦死道邊曲如鉤反封侯故能順從以保吉不違忤以受害也況史之為務申以勸誠樹之風聲其有賊臣逆子淫君亂主苟直書其事不掩其瑕則穢跡彰於一朝惡名被於千古言之若是吁可畏乎夫為於可為

之時則從。為於不可為之時則凶。如董狐之書法。不隱趙盾之為法受屈。彼我無忤。行之不疑。然後能成其良直。擅名今古。至若齊史之書崔弒馬遷之述漢非。韋昭仗正於吳朝。崔浩犯諱於魏國。或身膏斧鉞。取笑於當時。或書填坑窖。無聞於後代。夫世事如此。而責史臣不能申其強項之風。勵其匪躬之節。益亦難矣。是以張儼發憤。私存嘿記之文。孫盛不平。竊撰遼東之本。以茲避禍。幸獲而全。是以驗世途之多隘。知實錄之難遇耳。然則歷考

三劬創新行
命曲竭間皇

前史徵諸直詞雖古人糟粕真偽相亂而披沙揀
金有時獲寶案金行在歷史氏尤多當宣景開基
之始曹馬構紛之際或列營渭曲見屈武侯或發
仗雲臺取傷成濟陳壽王隱咸杜口而無言于寶
虞預各栖毫而靡述至習鑿齒乃申以死葛走生
達之說抽戈犯蹕之言歷代厚誣一朝始雪考斯
人之書事蓋近古之遺直歟次有宋孝王風俗傳
王劭齊志其叙述當時亦務在審實案于時河朔
王公箕裘未隕鄴城將相薪構仍存而二子書其

而列之南董
誠所未喻

史通言部補

卷七

九

所諱曾無憚色剛亦不吐其斯人歟蓋烈士殉名
壯夫重氣寧為蘭摧玉折不為瓦礫長存若南董
之仗氣直書不避強禦韋崔之肆情奮筆無所阿
容雖周身之防有所不足而遺芳餘烈人到于今
稱之與夫王沉魏書假回邪以竊位董統燕史持
諂媚以偷榮貫三光而洞九泉曾未足喻其高下
也

後漢書順帝之世京都童謠曰直如弦死道邊
曲如鉤反封侯

春秋左傳宣公二年趙穿攻靈公于桃園宣子
未出山而從太史書曰趙盾弑其君宣子曰不

然對曰子為正卿亡不越境反不討賊非子而誰宣子曰嗚呼我之懷矣自貽伊戚其我之謂矣孔子曰董狐古之良史也書法不隱趙宣子古之良大夫也為法受惡
春秋左傳襄公二十五年崔杼弑莊公太史書曰崔杼弑其君崔子殺之其弟嗣書而死者二人其弟又書乃舍之南史氏聞太史盡死執簡以往聞既書矣乃還
吳志孫亮即位諸葛恪表章昭為太史令撰吳書後孫皓欲為父和作紀昭以和未即位宜為傳漸見責怒收昭付獄華覈連疏救之不許昭遂誅
魏書崔浩字伯深清和人監秘書事與高允等著國紀叙成國書三十卷時太原閔粲趙郡郡標素惡浩乃請立石銘載國書以彰直筆銘顯在衢路北人咸惡忿毒構浩于帝真君十一年被誅郎史以下皆死
吳錄張儼字子節吳人以博文多識拜大鴻臚

作默記行于世

晉書孫盛撰陽秋桓溫見之謂盛子曰枋頭議
為失利何至如尊君所說若此史遂行自是關
君門戶事盛諸子向盛號泣請為百口計盛大
怒諸子遂竊改之盛為兩定本寄于慕容嵩太
元中孝武將求異書始于遠東得之以相考校
多有不同遂兩存
蜀志建興十二年諸葛亮悉大衆出與司馬宣
王對於渭南習鑿齒漢晉春秋諸葛亮卒楊儀
等整軍而出百姓奔告宣王宣王追焉儀反旗
鳴鼓若將向宣王者宣王乃退于是儀結陣而
去百姓為之謗曰死諸葛走生仲達
魏氏春秋帝自將冗從僕射李昭等下凌雲臺
遣仗自出討丈王習鑿齒漢晉春秋帝見威權
日去不勝其忿乃自出討丈王賈充逆帝戰于
南閣下成濟問曰事急矣當云何充曰畜養汝
等正為今日濟即前刺帝及出于背平寶晉紀
充曰公畜養汝等為今日之事也夫何疑濟曰

然乃拙戈犯蹕則犯蹕之言乃干寶也
晉書王沉正元中與荀顗阮籍共撰魏書多為
時諱未若陳壽之實錄也

曲筆第二十五

肇有人倫是稱家國父父子子君君臣臣親疎既
辨其差有別蓋子為父隱直在其中論語之順也
畧外別內掩惡揚善春秋之義也自茲已降率由
舊章史氏有事涉君親必言多隱諱雖直道不足
而名教存焉其有舞詞弄札飾非文過若王隱虞
預毀辱相凌子野休文釋紛相謝用捨由乎臆說
威福行於筆端斯乃作者之醜行人倫所同疾也
亦有事每憑虛詞多烏有或假人之美藉為私惠

小人而秉尹
子之器其縮
胸不勝任之
象必有自然
流露者非作
史者四筆也

或誣人之惡持報已讐若王沉魏錄濫述貶甄之
詔陸機晉史虛張拒葛之鋒班固受金而始書陳
壽借米而方傳此又記言之奸賊載筆之凶人雖
肆諸市朝投畀豺虎可也然則史之不直代有其
書苟其事以彰則今無所取其有往賢之所未察
來者之所不知今畧廣異聞用標先覺案後漢書
更始傳稱其懦弱也其初即位南面立朝羣臣羞
愧流汗刮席不敢視夫以聖公身在微賤已能結
客報讐避難綠林名為豪傑安有貴為人主而反

至於斯者乎。將作者曲筆阿時。獨成光武之義。諛
言媚主。用雪伯升之怨也。且中興之史。出於東觀。
或明帝所定。或馬后攸刊。而炎祚靈長。簡書莫改。
遂使他姓追撰。空傳偽錄者矣。陳氏國志。劉後主
傳云。蜀無史職。故災祥靡聞。案黃氣見於秭歸。羣
鳥墮於江水。成都言有景星出。益州言無宰相氣。
若史官不置。此事安得從而書之。一作此事何從而書蓋由
父辱受髡。故加茲謗議者也。古者諸侯並爭。勝負
無恒。而他善必稱。已惡不諱。逮乎近世。無聞至公。

國自謂為我長家相謂為彼短而魏收以元氏出
於邊裔見侮諸華遂高自標舉比桑乾於姬漢之
國曲加排抑同建業於蠻貊之邦夫以敵國相讎
交兵結怨載諸移檄用可致誣列諸細素實一作難
為妄說苟未達此義安可言於史耶蓋霜雪交下
始見貞松之操國家喪亂方見忠臣之節若漢末
之董承耿紀晉初之諸葛母正齊興而有劉秉袁
粲周滅而有王謙尉迥斯皆破家殉國視死猶生
而歷代諸史皆書之曰逆將何以激揚名教以勸

事君者乎。古之書事也。令賊臣逆子懼。今之書事也。使忠臣義士羞。若使南董有靈。必切齒於九泉之下矣。自梁陳已降。隋周而往。諸史皆貞觀年中羣公所撰。近古易知情偽可求。至如朝廷貴臣。必父祖有傳。考其行事。皆子孫所為。而訪彼流俗。詢諸故老。事有不同。言多爽寔。昔秦人不死。驗苻生之厚誣。蜀老猶存。知葛亮之多枉。斯則自古所歎。豈獨於今哉。蓋史之為用也。記功司過。彰善癉惡。得失一朝。榮辱千載。苟違斯法。豈曰能官。但古來

唯聞以直筆見誅不聞以曲詞獲罪是以隱侯宋書多妄蕭武知而勿尤伯起魏史不平齊宣覽而無譴故令史臣得愛憎由己高下在心進不憚於公憲退無媿於私室欲求實錄不亦難乎嗚乎此亦有國家者所宜懲革也

晉書虞預撰晉書而生長東南不知中朝事數訪于王隱冀借隱所著書竊寫之更疾隱形於言色預棄族交結權貴共為朋黨以斥隱隱竟

以傷歸

南史沈約撰宋書稱裴松之以後無聞焉子野更撰為宋畧二十卷云殘淮南太守沈瑛以其不從義師故也約懼徒踐跡之請兩釋焉魏志甄皇后中山無極人漢太保甄邯後初歸

袁紹中子熙冀州平文帝納后子鄴後失意有
怨言帝怒賜死

晉書或云丁庶丁儀有威名于魏陳壽謂其子
曰可覓千斛米見與當為尊公作佳傳丁不與
之竟不為立傳

後漢書劉玄字聖公弟為人所殺聖公結客欲
報之客犯法聖公避吏于平林吏係聖公父子
張聖公詐死使人持喪歸春陵因自逃匿後平
林兵起聖公往從之是時光武及兄伯升亦起
春陵四月破王莽兵號聖公為更始將軍因立
為天子陳兵大祭更始即帝位南面立朝羣臣
羞愧流汗舉手不能言

後漢書齊武王縯字伯升光武長兄也王莽末
起兵自號柱天大將軍更始即位拜大司徒封
漢信侯及伯升拔宛光武破王尋王邑兄弟威
名益盛更始君臣忌而害之

後漢書明帝永平十五年春行幸東平帝以所
作光武本紀示東平王蒼蒼因上光武受命中

興頌

後漢書明德馬后伏波將軍援之小女也永平三年立為后明帝崩肅宗尊為皇太后后自撰顯宗起居注

蜀志先主章武二年六月黃氣見梓潼十餘里中廣數十丈

漢晉春秋後主建興九年十月江陽至江州有鳥從江南渡江北不能達墮水死者千數

晉書陳壽父為馬謖參軍謖為諸葛亮所誅壽父亦坐被髡諸葛瞻又輕壽壽為亮立傳云亮將畧非其所長言瞻惟工書名過其實議者以此少之

後漢書獻帝建安五年正月車騎將軍董承偏將軍王服越騎校尉种輯受密詔誅曹操事洩操殺承等夷二族

宋書袁粲初名熙孫慕容奉倩為人改名粲字景倩陽夏人歷官侍中齊高帝蕭道成力德既重天命有歸粲以身受顧命謀誅之事敗謂其

子曰本知一木不能止大厦之崩但名義至此

耳遂父子并受害
宋書袁粲據石頭反尚書令劉秉黃門侍郎劉
述等率眾赴之蕭道成遣戴僧靜陷石頭斬粲
于城內秉等踰城走擒之并赴誅

補注

蜀志後主傳景耀元年史官言景星見於是大
赦改元又評曰國不置史注記無官一篇之中
前後泰錯此政子元所譏言無準的事成首鼠
者也

魏志武帝紀建安二十三年漢太醫令吉本與
少府耿紀司直韋晃等反攻許燒丞相長史王
必營必與嚴匡討斬之

魏志母邱儉傳儉字仲恭河東聞喜人為鎮東
將軍正元二年矯太后詔罪狀大將軍司馬景
王移諸郡國與文欽舉兵反欽敗儉走慎縣蕞
水邊草中部民張屬射殺之
北史王雄傳雄字謙字敷萬以父功授柱國大

將軍益州總管隋文帝輔政謙以父子受國恩
將圖匡復遂舉兵文帝使梁睿討之謙敗奔新
都縣令王寶執而斬之
北史尉遲迴字薄居羅代人也其先魏之
後別號尉遲部因而氏焉父侯兜尚周文帝姊
昌樂大長公主生迴迴有大志好施愛士以平
蜀功授都督益潼等十八州諸軍事又為大司
馬尋鎮隴右宣帝崩迴以隋文帝常權狩園慕
奪遂舉兵文帝使韋孝寬討之迴敗自殺

鑒識第二十六

夫人識有通塞神有晦明毀譽以之不同愛憎由其各異蓋三王之受謗也值魯連而獲申五霸之擅名也逢孔宣而見詆斯則物有恒準而鑒無定識欲求銓覈得中其惟千載一遇乎況史傳為文淵源廣博學者苟不能探賸索隱攷遠鉤深烏足以辯其利害明其善惡觀左氏之書為傳之最而時經漢魏竟不列於學官儒者皆折此一家而盛推二傳夫以正明躬為魯史受經仲尼語世則並

生論才則同體

一作耻

彼二家者師孔氏之弟子預

達者之門人才識本殊年代又隔安得持彼傳說

比茲親受者乎加以二傳理有乖僻言多鄙野方

諸左氏不可同年故知膏肓墨守乃腐儒之妄述

賣餅大官誠智士之明鑒也逮漢史繼作踵武相

承王充著書既甲班而乙馬張輔持論又劣固而

優遷

王充謂彪文義淡備紀事詳遠觀者以為甲以太史公為乙也張輔名士優劣論曰世人

論司馬遷班固之才優劣多以班為勝余以為史遷叙三千年事五十萬言班固叙二百年事八十

萬言煩省不敵然此二書雖互有修短遞有得失固之不如必矣

以人推奉有
若見於孟子
安得斥其為

而大抵同風可為連類。張晏云：遷沒後，亡龜策日
者傳褚先生補其所缺，言詞鄙陋，非遷本意。案遷
所撰五帝本紀七十列傳，稱虞舜見阨，遂匿空而
出。宣尼既歿，門人推奉有若其言之鄙，又甚於茲。
安得獨罪褚生而全宗馬氏也？劉軌思商榷漢史，
雅重班才，唯譏其本紀不列少帝，而輒編高后案。
弘非劉氏，而竊養漢宮，時天下無主，呂宗稱制，故
借其歲月，寄以編年，而野鷄行事，自具外戚。譬夫
成為孺子，史刊攝政之年，厲亡流彘，歷紀共和之

日而周召二公各世家有傳。班氏式遵曩例。殊合
事宜。豈謂雖濬發於巧心。反受嗤於拙目也。劉祥
撰宋書序錄。歷說諸晉史。其畧云。法盛中興。荒拙
少氣。王隱徐廣。淪溺罕華。夫史之叙事也。當辨而
不華。質而不俚。其文直。其事核。若斯而已可矣。必
令同文舉之含異。等公幹之有逸。如子雲之含章。
類長卿之飛藻。此乃綺揚繡合。彫章縟綵。欲稱實
錄。其可得乎。以此詆訶。知其妄施彈射矣。夫史之
曲筆偽書。不過一二語。其負罪為失已多。而魏收

于玄論古純
以私心億述
其且堯舜之
禪讓亦緣莽
操行事而疑
之

雜以寓言殆將過半固知倉頡以降罕見其流而
李氏齊書稱為實錄者何也蓋以重規亡考未達
伯起以公輔相加字出大名事同元歎既無德不
報故以虛美相酬然必謂昭公知禮吾不信也語
曰明其為賊敵乃可服如王劭之抗詞不撓可以
方駕古人而魏收持論激揚稱其有慚正直夫不
彰其罪而輕肆其誅此所謂兵起無名難為制勝
者尋此論之作蓋由君懋書法不隱取咎當時或
有假手史臣以復私門之耻不然何惡直醜正盜

憎主人之甚乎

陸儼山校本夫史之曲筆至此一百九十九字在曲筆篇安可言于

史也之下依檢

宋本仍在此篇夫人廢興時也窮達命也而書之

為用亦復如是蓋尚書古文六經之冠冕也春秋

左氏三傳之雄霸也而自秦至晉年踰五百其書

隱沒不行於世既而梅氏寫狀

一作獻

杜侯訓釋然

後見重一時擅名千古老經撰於周日莊子成於

楚年遭文景而始傳值嵇阮而方貴若斯流者可

勝紀哉故曰廢興時也窮達命也適使時無識寶

世缺知音若論衡之未遇伯喈太玄之不逢平子

逝將煙燼火滅泥沉雨絕安有歿而不朽揚名於後世者乎

文選曹植與楊修書昔田巴毀五帝罪三王咎五伯于稷下一旦而服千人魯連一說使終身杜口

魏畧服膺善公羊春秋時鍾繇好左氏以左氏為大官厨公羊為賣餅家數與翰會新析長短繇善持論而翰訥口屈時無以應繇曰公羊萬竟為左氏明服矣翰曰直故吏為明公服耳公羊未肯也

晉書張輔字世偉南陽西鄉人累遷尚書郎嘗論班馬優劣又以魏武不反劉備樂毅城于諸葛詞多不載

北史劉軌思渤海人仕齊位國子博士

荀悅漢紀呂后名雉諱雉之字曰野鷄惠帝立呂后以魯元公主女為惠帝后無子呂后取後

宮美人子名之以為太子惠帝崩太子立為皇帝四年少帝自知非皇后子出怨言呂后廢之立恒山王為帝大臣迎立代王是為文帝大臣等誅恒山王

史記武王崩太子誦代立是為成王成王少周公攝政當國七年成王長周公反政

南史劉祥字顯微穆之之孫也齊建元中為正員郎永明中撰宋書譏斥禪代王儉密以啟聞上銜而不問後以積過徙廣州卒

南史徐廣字野民東莞人晉孝武時為秘書郎撰晉記四十二卷義熙十三年成喪上之

後漢書孔融字文舉劉公幹云孔氏卓卓信含

異氣

文選文帝與吳質書公幹有逸氣但未通耳

北史李百藥字重規父德林字公輔初德林少孤未有字魏收謂之曰卿識度大才必至公輔吾輒以此字卿按左傳魏大名也故云字出大名百藥著齊書

江表傳。顧雍從蔡伯喈學。敏而易教。伯喈貴異之曰。卿必成名。今以吾名與卿。故雍與伯喈同名。又吳錄。雍字元歎。言為蔡邕所嘆。因以為字。晉書。古文尚書。燕曹以授汝南梅賾。賾字仲真。為豫章內史。

晉書。杜預著左傳集解。行于世。

世說。王充著論衡成。中土未有傳者。蔡中郎到江東得之。恒秘玩。以為談助。及北還。諸公覺其談更遠。檢求帳中。果得論衡一部。

後漢書。張衡謂崔瑗曰。吾觀太玄。方知子雲妙極道數。與五經相擬。漢四百歲。立其興矣。

補注

後漢書。儒林傳。何休作公羊解詁。又與其師羊弼追述李育意。以難二傳。作公羊墨守。左氏膏肓。穀梁廢疾。

探賾第二十七

古之述者、豈徒然哉、或以取舍為難、或以是非相
亂、由是書編典誥、宣父辨其流、詩列風雅、卜商通
其義、夫前哲所作、後來是觀、苟失其指、歸則難以
傳授、而或有妄生穿鑿、輕究本源、是垂作者之深
旨、誤生人之後學、其為繆也、不亦甚乎、昔夫子之
作魯史、學者以為感麟而作、案子思有云、吾祖厄
於陳、蔡夫以彼聿脩、傳諸貽厥、欲求實錄、難為爽
誤、是則義包微婉、因攬每而叛詞、時逢西狩、乃泣

麟而絕筆、儒者徒知其一、而未知其二、以為自反袂拭面、稱吾道窮、然後追論五始、定名三叛、此豈非獨學無友、孤陋寡聞之所致邪、孫盛稱左氏春秋書吳楚則畧、荀悅漢紀述匈奴則簡、蓋所以賤夷狄而貴諸夏也、案春秋之時、諸國錯峙、關梁不通、史官所書、罕能周悉、異乎炎漢之世、四海一家、馬遷乘傳以求、自古遺文、而州郡上計、皆先集太史、若斯之備也、况彼吳楚者、僻居南裔、地隔江山、去彼魯邦、尤為遙濶、王明所錄、安能備諸、且必以

蠻夷而固畧也。若駒支預於晉會，長狄埋於魯門，
葛盧之辨牛鳴，鄒子之知鳥職，斯皆邊隅小國，人
品最微，猶復收其瑣事，見於方冊。安有主盟上國，
勢迫宗周，爭長諸華，威陵強晉，而可遺之者哉？又
荀氏著書，抄撮班史，其取事也，中外一槩，夷夏皆
均，是非獨畧胡鄉，而偏詳漢室，盛既疑丘明之擯
吳楚，遂誣仲豫之抑匈奴，可謂強秦庸音，特為足
曲者也。蓋明月之珠，不能無瑕；夜光之璧，不能無
類。故作者著書，或有病累，而後生不能詆訶其過。

又更文飾其非遂推而廣之強為其說者蓋亦多矣如葛洪有云司馬遷發憤作史記百三十篇伯夷居列傳之首以為善而無報也項羽列於本紀以為居高位者非關有德也案史之於書也有其事則記無其事則闕尋遷之馳騫今古上下數千載春秋已往得其遺事者蓋惟首陽山之二子而已然適使夷齊生於秦氏死於漢日而乃升諸傳首庸謂有情今者考其先後隨而編次斯則理之常也烏可怪乎必謂子長以善而無報推為傳首

司馬遷述其
父談之論六
家若先黃老
至其各盡
引董子語則
一歸六經之
旨矣至仲尼
于世家與老
子子申論而
荀子列傳子
諸子中獨以
孟子為主其
識可謂卓絕
而蒙先黃老
後六經之謂
于千古究哉

若伍子胥大夫種孟軻墨翟賈誼屈原之徒或行
仁而不遇或盡忠而受戮何不求其品類同在一
科而乃異其篇目各分為卷又遷之紕繆其流甚
多夫陳勝之為世家既云無據項羽之稱本紀何
必有憑必謂遭彼腐刑怨刺孝武故書違凡例志
存激切若先黃老而後六經進奸雄而退處士此
之乖刺復何為乎隋內史李德林著論稱陳壽蜀
人其撰國志黨蜀而抑魏刊之國史以為格言案
曹公之創王業也賊殺母后幽逼主上罪百田常

禍于王莽文帝臨戎不武為國好奢忍害賢良踈
忌骨肉而壽評皆依違其事無所措言劉主地居
漢宗仗順而起夷險不撓終始無瑕方諸帝王可
比少康光武譬以侯伯宜輩秦繆楚莊而壽評抑
其所長攻其所短是則以魏為正朔之國典午攸
承蜀乃僭偽之君中朝所嫉故曲稱曹美而虛說
劉非安有背曹而向劉踈魏而親蜀也陳壽上諸葛亮集表
云陛下邁蹤古聖蕩然無忌故雖誹謗之言咸肆其辭而無所革也夫無其文而有
其說不亦憑虛亡是者邪習鑿齒之撰漢晉春秋

以魏為偽國者此葢定邪正之途明逆順之理爾而檀道鸞稱其當桓氏執政故撰此書欲以絕彼瞻烏防茲逐鹿歷觀古之學士為文以諷其上者多矣若齊倫失德豪士于焉作賦賈后無道女史由之獻箴斯皆短什小篇可率爾而就也安有變三國之體統改五行之正朔勒成一史傳諸千載而藉其權以濟物取誠當時豈非勞而無功博而非要與夫班彪王命一何異乎求之人情理不當爾自二京版蕩五胡稱制崔鴻鳩諸偽史聚成春

秋其所列者十有六家而已。魏收云：鴻世仕江左，故不錄司馬、劉、蕭之書。又恐識者尤之，未敢出行於外。案于時中原乏主，海內橫流，逖彼東南，更為正朔。適使素王再出，南史重生，終不能別有異同。忤非其議，安得以偽書無錄而猶罪歸彥、鷟者乎？且必以崔氏祖宦吳朝，故情私南國，必如是，則其先徙居廣固，委質慕容，何得書彼南燕而與群胡並列？愛憎之迹，豈若是邪？且觀鴻書之紀綱，皆以晉為主，亦猶班書之載吳、項，必繫漢年。陳志之述

孫劉皆宗魏世何止獨遺其事不取其書而已哉
但伯起躬為魏史傳列島夷不欲使中國著書推
崇江表所以輒假言崔志用紆魏羞且東晉之史
宋齊之書考其所載幾三百篇而偽邦墳籍僅盈
百卷若使收矯鴻之失南北混書斯則四分有二
事歸江外非惟肥瘠非類衆寡不均兼以東南國
史皆須紀傳區別茲又體統不純難為編次者矣
收之矯妄其可盡言乎于是考衆家之異說參作
者之本意或出自胸懷枉申探賸或妄加向背輒

有異同而流俗腐儒後來末學習其狂狷成其詿誤自謂見所未見聞所未聞銘諸舌端以為口實惟智者不惑無所疑焉

呂氏春秋孔子窮乎陳蔡之間七日不嘗粒晝寢顏回索米得而爨之孔子望見回攫其甑中而食之食熟孔子起曰今者夢見先君食索而後饋明對曰不可向者煤入甑中食不祥回攫而飯之孔子嘆曰弟子記之知人固不易矣春秋左傳哀公十四年春西狩于大野叔孫氏之車子鉏商獲麟以為不祥以賜虞人仲尼觀之曰麟也然後取之

史記太史公自序二十而南遊江淮上會稽探禹穴窺九疑浮于沅湘北涉汶泗講業齊魯之都觀孔子之遺風過梁楚以歸

春秋左傳文公十一年賁躄侵齊遂伐我冬十

月敗狄于鹹。獲長狄僞如。富父終甥椿其喉。以
戈殺之。埋其首于子駒之門。以命宣伯。

後漢書。獻帝自都許守位而已。宿衛兵侍莫非
曹氏黨舊。又殺董貴人。帝與伏皇后父完書令
密圖之事。洩。操令華歆勒兵入宮。收后下暴室
以幽崩。

魏志。文帝築凌雲臺。穿靈芝池。魏氏春秋。帝待
諸王法峻。任城王來朝。暴薨。陳王及白馬王彪
欲同路東歸。使者不聽。帝又以前嫌誅丁儀等。
并其男口。帝之猜忍。跡忌。皆此類也。

晉書。習鑿齒傳。是時桓溫覬覦非望。鑿齒在郡。
著漢晉春秋。以裁正之。起漢光武。終晉愍帝。于
三國之時。蜀以宗室為正。魏雖受漢禪。尚為篡
逆。至文帝平蜀。乃為漢亡。凡五十四卷。

晉書。齊王冏矜功自伐。受爵不讓。陸機惡之。作
豪士賦。以刺冏。不之悟。而竟以敗。非倫也。倫乃
趙王。

北史。崔鴻伯父光。光祖曠。從慕容德南渡河。居

青州之時水慕容氏滅仕宋為樂陵太守

孫端綏佩章
景緯揆基校

史通訓故補卷之七終

史通訓故補卷之八

北平黃叔琳崑圃補註

海虞顧鎮備九叅訂

德水羅以書素文同訂

模擬第二十八

夫述者相効自古而然故列禦寇之言理也則憑
李叟揚子雲之草玄也。師孔公符朗則比跡於
莊周范曄則參蹤於賈誼况史臣注記其言浩博
若不仰範前哲何以貽厥後來蓋模擬之體厥途

有二。一曰貌同而心異。二曰貌異而心同。何以言之。蓋古者列國命官。卿與大夫為別。必於國史所記。則卿亦呼為大夫。此春秋之例也。當秦有天下。地廣殷周。變諸侯為帝王。目宰輔為丞相。而譙周撰古史。思欲擯抑馬記。師倣孔經。其書李斯之棄市也。乃云秦殺其大夫李斯。夫以諸侯之大夫。名天子之丞相。以此而擬春秋。所謂貌同而心異也。當春秋之世。列國甚多。每書他邦。皆顯其號。至云魯國。直云我而已。如金行握紀。海內大同。君靡客。

猶其年曰左
傳信五年春
王正月辛亥
朔日南至注

主之殊臣無彼此之異而干寶撰晉紀至天子之
葬必云葬我某皇帝且無二君何我之有以此而
擬春秋又所謂貌同而心異也狄滅二國君死城
屠齊桓行霸興亡繼絕左傳云邢遷如歸衛國忘
亡言上下安堵不失舊物也如孫皓暴虐人不聊
生晉師是討後予相怨而干寶晉紀云吳國既滅
江外忘亡豈江外安典午之善政同歸命之未滅
乎。以此而擬左氏又所謂貌同而心異也春秋諸
國皆用夏正魯以行天子禮樂故獨用周家正朔

曰冬至也
 九年三月
 丙午雷震
 成元年二
 月無冰定
 元年冬十
 月閏霜殺
 菽當時皆
 以為災而
 高之可知
 魯史以冬
 為春以十
 一月為正
 聖人因之
 改所謂今
 之手徒用
 胡氏釋春
 謂冠夏時
 閏月誤矣

至如書元年春王正月者年則魯君之年月則周
 王之月考竹書紀年始連此義而自春秋者皆妄為解釋也如曹馬受命
 躬為帝王非是以諸侯守藩行天子班歷而孫盛
 魏晉二陽秋每書年首必云某年春帝正月夫年
 既編帝紀而月又列帝名以此而擬春秋又所謂
 貌同而心異也五始所作是曰春秋三傳並興各
 釋經義如公羊傳屢云何以書記其事也此則先
 引經語而繼以釋辭勢使之然非史體也如吳均
 齊春秋每書災變亦曰何以書記異也夫事無他

議言從己出。輒自問而自答者。豈是叙事之理者耶。以此而擬公羊。又所謂貌同而心異也。且史漢每於列傳首書人名字。至傳內有呼字處。則於傳首已詳如漢書李陵傳。稱隴西任立政。陵字立政。曰師古曰呼其字少公。歸易耳。夫上不言立政之字。而輒言字立政。曰少公者。此省文從可知也。至令狐德蔡周書於伊婁穆傳。首云伊婁穆字奴干。既而續云太祖字之曰奴干。作儀同。面向我也。夫上書其字。而下復曰字。豈是事從簡易。文去重複者耶。以

此而擬漢書。又所謂貌同而心異也。昔謝承家語有云。蒼梧人娶妻而美。以讓其兄。雖其為讓。非讓道也。又揚子法言曰。士有姓孔字仲尼。其文是也。其質非也。如向之諸子。所擬古作。其殆蒼梧之讓姓孔而字仲尼者歟。蓋語曰。世異則事異。事異則治異。必以先王之道。持今世之民。此韓子所以著五蠹之篇。稱宋人有守株之說也。世之述者。銳志於奇。喜編次古文。撰叙今事。巍然自謂五經再生。二史重出。多見其無識者矣。惟夫明識之士。則不

然何則其所擬者非如圖畫之寫真鎔鑄之象物
以此而似彼其所以為似者取其道術相會義理
玄同若斯而已亦猶孔父賤為匹夫桀皇放逐而
能祖述堯舜憲章文武亦何必居九五之位處南
面之尊然後謂之連類者哉蓋左氏為書叙事之
最自晉已降景慕者多有類效類彌益其醜然求
諸偶中亦可言焉蓋君父見害臣子所耻義當畧
說不忍斥言故左傳叙桓公在齊遇害而云彭生
乘公薨于車如干寶晉紀叙愍帝歿于平陽而云

晉人見者多哭賊懼帝崩以此而擬左氏又所謂貌異而心同也夫當時所記或未盡則先舉其始後詳其末前後相會隔越取同若左氏成七年鄭獲楚鍾儀以獻晉至九年晉歸鍾儀於楚以求平其類是也至裴子野宋畧叙索虜臨江太子劭使力士排徐湛江湛僵仆於是始與劭有隙其後三年有徐江為元凶所殺事以此而擬左氏亦所謂貌異而心同也此列姓名罕兼其字苟前後互舉則觀者自知如左傳上言羊斟則下曰叔牂前稱

子產則次見國僑其類是也。至裴子野宋畧亦然。何者上書桓玄則下有敬道後叙殷鐵則先著景仁。以此而擬左氏又所謂貌異而心同也。左氏與論語有叙人酬對苟非煩辭積句但是往復唯諾而已則連續而說去其對曰問曰等字如裴子野宋畧云李孝伯問張暢卿何姓曰姓張張長史乎。以此而擬左氏論語又所謂貌異而心同也。善人君子功業不書見於應對附彰其美如左傳稱楚武王欲伐隨熊率且比曰季梁在何益至蕭方等

三十國春秋說朝廷聞慕容雋死曰中原可圖矣
桓溫曰慕容恪在其憂方大以此而擬左氏又所
謂貌異而心同也夫將叙其事必預張其本彌縫
混說無取睠言如左傳稱叔輒聞日蝕而哭昭子
曰叔其將死乎秋八月叔輒卒至王劬齊志稱張
伯德夢山上掛絲占者曰其為幽州乎秋七月拜
為幽州刺史以此而擬左氏又所謂貌異而心同
也蓋文雖缺畧理甚昭著此正明之體也至如叙
晉敗於邲先濟者賞而云中軍下軍爭舟舟中之

此皆省字
之妙

指可掬夫不言攀舟鰓以及斷指而但曰舟指可
掬則讀者自覩其事矣至王劭齊志述高季式破
敵於韓陵追奔逐北而云夜半方歸梨血滿袖夫
不言奮梨深入擊刺甚多而但稱梨血滿袖則聞
者亦知其義矣以此而擬左氏又所謂貌異而心
同也大抵作者自魏已前多效三史從晉已降喜
學五經夫史才文淺而易模經文意深而難擬既
難易有別故得失亦殊蓋貌異而心同者模擬之
上也貌同而心異者模擬之下也然人皆好貌同

而心異不尚貌異而心同者何哉蓋鑒識不明嗜
愛多僻悅夫似史而憎夫真史此子張所以致譏
於魯侯有葉公好龍之喻也袁山松云書之為難
也有五煩而不整一難也俗而不典二難也書不
實錄三難也賞罰不中四難也文不勝質五難也
夫擬古而不類此乃難之極者何為獨闕其目乎
嗚呼自子長已還似皆未覩斯義後來明達其鑒
之哉

晉書符朗字元達堅之從兄子也降于謝玄加
散騎侍郎著符子數十篇行于世亦老莊之流

也

史記李斯上蔡人從始皇定天下拜丞相二世時為趙高所陷夷三族

吳志孫皓字元宗孫休卒丞相濮陽興等立之

為晉所滅

前漢書李陵既降虜昭帝時霍光遣任立政召陵單于置酒陵與衛律侍律起更衣立政曰咄少卿良苦霍子孟請少卿歸無憂富貴陵字立政曰少公卿易耳恐再辱奈何

北史伊婁穆字奴干代人歷通直散騎常侍嘗入白事周文帝望見悅之曰奴干作儀同面見我矣於是拜儀同三司

晉書愍帝諱鄆字彥旗武帝孫吳孝王晏之子懷帝崩即位為劉聰所執被弑

春秋左傳成公七年楚子重伐鄭諸侯救鄭鄭共申侯羽軍楚師囚鄭公鍾儀獻諸晉九年晉侯見而歸之使合晉楚之成

南史江湛字徽深考城人歷官吏部尚書時魏

遣使求婚。上召太子劬以下集議。衆謂宜許。湛謂許之無益。劬怒曰。今三王在阼。詎宜苟執異議。聲色甚厲。坐散俱出。劬使班劍及左右推排之。殆于傾倒。後劬行弒。逆湛亦遇害。

春秋左傳。宣公二年。鄭伐宋。華元禦之。將戰。華元殺羊食士。其御羊斟不與。及戰。與入鄭師。華元為鄭所獲。宋人以兵車文馬贖之。羊入。華元逃歸。見叔聃曰。予之馬然也。

晉書。桓玄字敬道。大司馬溫之孽子。封楚王。僭位。劉裕討誅之。

晉書。殷景仁。陳郡長平人。小字鉄。初為宋武帝太尉行參軍。歷官尚書僕射。

南史。張暢。字少微。宋孝武鎮彭城。暢為安北長史。元嘉中。魏太武南征。至彭城。暢于城上與魏尚書李孝伯語。孝伯問君何姓。曰。姓張。張長史。手暢曰。君何得見識。孝伯曰。君聲名遠聞。足使我知。

春秋左傳。楚武王侵隨。使蓬章求成焉。隨人使

少師董成閻伯比曰少師侈請羸師以張之熊
率且比曰季梁在何益

晉書慕容恪字宣英號之第二子號死即位慕
容恪字玄恭號之第四子封太原王初建業間
雋死曰中原可圖矣桓溫曰慕容恪尚在所憂
方大耳

春秋左傳昭公二十一年七月日有食之于是
叔輒哭日食昭子曰子叔將死非所勞也八月
叔輒卒

北史張亮字伯德西河隰城人歷官幽州刺史
累遷尚書右僕射

春秋左傳宣公十二年楚子圍鄭六月晉師救
鄭楚師乘晉軍桓子不仁所為鼓于軍中曰先
濟者有賞中軍下軍爭舟舟中之指可掬也
北史高季式字子通太尉昂之弟也永熙元年
神武與爾朱兆戰于韓陵大敗之慕容紹宗引
軍西上高季式以七騎追之夜久方還梁血滿
袖季式歷官太常御

說苑子張見魯哀公七日而哀公不禮記僕夫而去曰君之好士也有似葉公子高之好龍也子高好龍屋室雕文皆以寫龍于是天龍見而下之窺頭于櫺拖尾于堂葉公見之失其魂魄是葉公非好龍也好夫似龍而非者也

補注

通考張湛注列子八卷晁氏曰鄭列禦寇撰劉向云終公時人學本于黃帝老子其寓言與莊子類

漢書揚雄傳哀帝時丁傅董賢用事諸附離之者或起家至二千石時雄方草太元有以自守泊如也

春秋左傳桓公十八年公會齊侯於濰遂及文姜如齊齊侯通焉公誦之以告夏四月丙子享公使公子彭生乘公公薨于車

宋書徐湛之傳湛之字孝源東海剡人拜散騎常侍時江湛為吏部尚書與湛之並居權要世謂之江徐焉二出巫蠱事發上欲廢劬賜噎死

與湛之屏人共言論。或連日累夕。每夜使湛之
自秉燭繞壁檢行。慮有竊聽者。劬旦入執之。其
夕上與湛之屏人語。至曉猶未滅燭。湛之驚起。
趨北戶。未及開。見害。

書事第二十九

昔荀悅有云。立典有五志焉。一曰達道義。二曰彰法式。三曰通古今。四曰著功勳。五曰表賢能。千寶之釋五志也。體國經野之言則書之。用兵征伐之權則書之。忠臣烈士孝子貞婦之節則書之。文誥專對之辭則書之。才力伎藝殊異則書之。於是採二家之所議。徵五志之所取。益記言之所網羅。書事之所總括。粗得於茲矣。然必謂故無遺恨。猶恐未盡者乎。今更廣以三科。用增前目。一曰叙沿革。

二曰明罪惡。三曰旌怪異。何者。禮儀用捨。節文昇降。則書之。君臣邪僻。國家喪亂。則書之。幽明感應。禍福萌兆。則書之。於是以此三科。參諸五志。則史氏所載。庶幾無闕。求諸筆削。何莫由斯。但自古作者。鮮能無病。苟書而不法。則何以示後。蓋班固之譏司馬遷也。論大道則先黃老。而後六經。序游俠。則退處士。而進奸雄。述貨殖。則崇勢利。而羞貧賤。此其所蔽也。又傳玄之貶班固也。論國體則飾主闕。而折忠臣。叙世教則貴取容。而賤直節。述時務。

則謹辭章而畧事實此其所失也尋班馬二史咸擅一家而各自彈射遞相瘡痍夫雖自卜者審而自見為難可謂笑他人之未工忘己事之已拙上知猶其若此而况庸庸者哉苟自前哲之指蹤校後來之所失若王沉孫盛之伍伯起德業之流論王業則黨悖逆而誣忠義叙國家則抑正順而褒篡奪述風俗則矜夷狄而陋華夏此其大較也必伸以紂撻窮其負累雖擢髮而數庸可盡耶子曰於予何誅於數家見之矣抑又聞之怪力亂神宣

尼不語而事鬼求福。墨生所信。故聖人於其間。若
存若亡而已。若吞燕卵而商生啟龍箴。而周滅厲
壞門以禍晉。鬼謀社而亡曹。江使返璧於秦。皇紀
橋受書於漢相。此則事關軍國。理涉興亡。有而書
之以彰靈驗可也。而王隱何法盛之徒。所撰晉史。
乃專訪州閭細事。委巷瑣言。聚而編之。目為鬼神
傳錄。其事非要其言不經。異乎三史之所書。五經
之所載也。范曄博採衆書。裁成漢典。觀其所取。頗
有奇工。至於方術篇。及諸蠻夷傳。乃錄王喬左慈。

庠君盤瓠言唯迂誕事多詭越可謂美玉之瑕白
圭之玷惜哉無是可也又自魏晉已降著述多門
語林笑林世說俗說皆喜載啁譁小辯嗤鄙異聞
雖為有識所譏頗為無知所悅而斯風一扇國史
多同至如王思狂躁起駘蠅而踐筆畢卓沉湎左
持螯而右杯劉邕榜吏以膳疵齡石戲舅而傷贅
其事蕪穢其辭猥雜而歷代正史持為雅言苟使
讀之者為之解頤聞之者為之撫拊一作掌固異乎
記功書過彰善瘴惡者也。大抵近代史筆叙事為

煩。擢而論之。其尤甚者有四。夫祥瑞者。所以發揮盛德。幽贊明王。至如鳳凰來儀。嘉禾入獻。秦得若雉。魯獲如麇。求諸尚書春秋。上下數千載。其可得言者。蓋不過一二而已。爰及近古。則不然。凡祥瑞之出。非關理亂。蓋主上所惑。臣下相欺。故德彌少。而祥彌多。政逾劣。而祥逾盛。是以桓靈受祉。比文景而為豐。劉石應符。比曹馬而益倍。而史官徵其謬說。錄彼邪言。真偽莫分。是非無別。其煩一也。當春秋之時。諸侯力爭。各擅雄伯。自相君長。經書其

使來聘某君來朝者蓋明和好所通盛德所及此
皆國之大事不可闕如而自史漢已還相承繼作
至於呼韓入侍肅慎來庭如此之流書之可也若
乃藩王岳牧朝會京師必也書之本紀則異乎春
秋之義

若漢書載楚王囂等來朝宋書載桓道濟等來朝之類是也

夫臣謁其

君子覲其父抑惟常理非復異聞載之簡策一何
辭費其煩二也乃若百職遷除千官黜免其可以
書名本紀者蓋惟槐鼎而已故西京撰史唯編丞
相大夫東觀著書止列司徒太尉而近世自三公

已下一命已上苟沾厚祿莫不備書且一人之身
兼預數職或加其號而闕其位或無其實而有其
名贊唱為之口勞題署由其力倦具之史牘夫何
足觀其煩三也夫人之有傳也蓋唯書其邑里而
已其有開國承家世祿不墜積仁累德良弓無改
項籍之先世為楚將石建之後庶謹相承此則其
事尤異畧書於傳可也其失之者則有父官令長
子秩丞郎聲不著於一鄉行無聞於十室乃叙其
名位一二無遺此實家諫非關國史其煩四也於

是考茲四事以觀今古足驗積習忘返流宕不歸
乖作者之規模違哲人之準的也孔子曰吾黨之
小子狂簡斐然成章不知所以裁之其斯之謂矣
亦有言或可記功或可書而記闕其文傳亡其事
者何則始自太上迄于中古其間文籍可得言焉
夫以仲尼之聖也訪諸鄭子始聞少皞之官叔向
之賢也詢彼國僑載辨黃熊之崇或八元才子因
行父而獲傳或五穀大夫假趙良而見識則知當
時正史流俗所行若三墳五典八索九丘之書虞

及商周春秋樗杌之記其所缺畧者多矣既而汲冢所述方五經而有殘馬遷所書比三傳而多別列松補陳壽之闕謝綽拾沈約之遺斯又言滿五車事逾三篋者矣夫記事之體欲簡而且詳疎而不漏若煩則盡取省則多損此乃忘折中之宜失灼平之理惟夫博雅君子知其利害者焉

晉書傳玄字休爽北地泥陽人歷官司隸校尉撰論經國九流及三史故事評斷得失各為區例名為傳子

史記殷本紀殷契母曰簡狄有娥氏之女為帝嚳次妃行浴見玄鳥墮其卵取吞之因孕生契史記周本紀昔夏有二龍止于帝廷曰余褒之

二君帝卜請其祿而藏之。至厲王發而化。為玄
龜。後宮童妾遭之。筭而孕。棄之。宣王時。謠曰。槃
弘箕服。實亡周國。有大婦賣。是器者。執之。逃見
棄子。收之。奔褒。褒人有罪。請入之。是為褒姒。幽
王愛之。廢申后。申侯殺王。
春秋左傳。成公十年。晉侯夢大厲。被髮及地。搏
膺而踊。曰。殺余孫。不義。余得請于帝矣。壞大門
及寢門而入。公懼。入于室。覺。召桑田巫。巫言如
夢。曰。不食新矣。六月。晉侯如廁。陷而卒。
春秋左傳。初。曹人或夢眾君子立于社宮。而謀
亡曹。曹叔振鐸請待公。孫彊曰。求無之。戒其子
曰。我死。爾聞公孫彊為政。必去之。及曹伯陽即
位。好田弋。曹鄙人公孫彊獲白雁。獻之。悅之。使
為司城。以聽政。夢者之子乃行。彊言霸說于曹
伯。乃背晉而于宋。哀公八年。宋人滅曹。
史記。張良亡。匿下邳。遊圯上。有父老墜其履。圯
下。顧謂良曰。孺子下取履。良愕然。彊忍下取履。
父曰。履我。良業為取履。因長跪。願之。父以足受。

笑而去。去里所。復還曰：「孺子可教矣。」後五日夜半，往。老父來曰：「讀此則王者師矣。」旦日視其書，乃太公兵法也。

後漢書：巴郡南郡蠻本有五姓：巴氏、樊氏、暉氏、相氏、鄭氏。未有君長，乃共擲劍于石穴，約能中者為君。巴氏子務相獨中，又各乘土船，約能浮者為君。惟務相獨浮，因共立之，是為廩君。晉書：王思正始中為司農，性惡，嘗執華作書，蠅集華端，驅去復來，思志怒，自起逐蠅，還取華，蠅踏壞之。

晉書：畢卓，字義世，新蔡桐陽人，為吏部郎，飲酒廢職，嘗謂人曰：「右手持杯，左手持螯，拍浮酒船中，便足了一生。」

宋書：劉邕，穆之之孫也，襲爵南康公。邕性嗜食，瘡痂以為味，似鰓魚。南康國吏二百許人，不問有罪無罪，通與鞭瘡，嘗以給膳。

宋書：朱齡石，字伯兒，沛人，少好武，不事崖檢。舅淮南蔣氏，頤有大瘤，齡石伺眠，密割之，即死。

書益稷。蕭韶九成。鳳凰來儀。

書唐叔得禾。異畝同穎。獻諸天子。王命唐叔歸周公于東。作歸禾。周公既得命禾。旅天子之命。作嘉禾。

史記封禪書。秦文公獲若石云。於陳倉北坂城。祀之。其神或歲不至。或歲數來。來也常以夜。光輝若流星。從東南來。集于祠城。則若雄雞。其聲殷云。野雞。夜雊。以一牢祠之。號曰陳寶。

孔叢子。叔孫氏之車子。鈕商樵而獲獸。衆莫之識。冉有告夫子曰。膚身而肉角。夫子曰。若求之言。其麟乎。視之。果信。

後漢書。桓帝永康元年。巴郡言黃龍見。時吏傳堅以郡欲上言。內白事。以為走卒戲語。不可。太守不聽。時史以書帝紀。桓帝政治衰缺。而在所多言瑞應。皆此類也。

前漢書。宣帝甘露二年。呼韓單于款五原塞。願朝。三年正月。漢遣車騎都尉韓昌迎之。朝天子于甘泉宮。漢寵以殊禮。位在諸侯王上。贊謁稱

臣而不名

後漢書挹婁古肅慎之國也在夫餘東北千餘里自漢興以後臣屬夫餘

史記孔子曰昔武王克商通道九夷八蠻于是肅慎氏貢楮矢石弩長尺有咫

史記項籍季父項梁梁父即楚將項燕為秦將王翦所戮者項氏世世為楚將封于項故姓項氏

火記萬石君長子建次甲次乙次慶皆以馴行考義稱然建最甚

春秋左傳昭公七年鄭子產聘于晉晉侯有疾韓宣子逆客曰寡君寢疾於今三月今夢黃熊入于寢門是何厲鬼也對曰昔堯殛鯀于羽山其神化為黃熊以入于羽淵實為夏郊三代祀之晉為盟主其或者未之祀乎詢國僞者乃韓宣子非叔向也

春秋左傳季文子曰昔高辛氏有才子八人伯翳仲堪叔獻季仲伯虎仲熊叔豹季狸忠肅共

懿宣慈惠和天下之民謂之八元

史記商君謂趙良曰子觀我治秦也孰與五穀大夫賢趙良曰五穀大夫之相秦也勞不坐業暑不張蓋行于國中不從車乘不操干戈功名藏于府庫德行施于後世五穀大夫死男女流涕此五穀大夫之德也

補注

史記始皇本紀三十六年秋使者從關東夜過華陰平舒道有人持璧遮使者曰為我遺馮池君因言曰今年祖龍死張晏注曰武王居鎬池君則武王也

唐書藝文志邯鄲淳笑林三卷魏畧曰淳字子叔五官將又何自然笑林三卷

人物第三十

夫人之生也有賢不肖焉若乃其惡可以誠世其善可以示後而死之日名無得而聞焉是誰之過歟蓋史官之責也觀夫文籍肇勅史有尚書知遠疏通網羅歷代至如有虞進賢時宗元愷夏氏中微國傳寒泥殷之亡也是生飛廉惡來周之興也實有散宜閑天若斯人者或為惡縱暴其罪滔天或累仁積德其名蓋世雖時淳俗質言約義簡此而不載闕誰大焉洎夫子修春秋記二百年行事

如論尚書
何以亦失為

以此貴子長
無辭其如
有下及何

三傳並作史道勃興若秦之由余百里奚越之范
蠡大夫種魯之曹沐公儀休齊之寧戚田穰莒斯
並命世大才挺生傑出或陳力就外功冠一時或
殺身成仁聲聞四海苟師其德業可以治國字人
慕其風範可以激貪勵俗此而不書無乃太簡又
子長著史記也馳驚窮古今上下數千載至如臯
陶伊尹傳說仲山甫之流並列經誥名存子史功
烈尤顯事跡居多盡各採而編之以為列傳之始
而斷以夷齊居首何醒齷之甚乎既而孟堅勒成

漢書牢籠一代至於人倫大事亦云備矣其間若
薄昭楊僕顏驄史岑之徒事所以見遺者蓋畧小
而存大耳夫雖逐麋之犬不復顧兔而雞肋是棄
能無惜乎當三國異朝兩晉殊宅若元則仲景時
才重於許洛何禎許詢文雅高於揚豫而陳壽國
志王隱晉史廣列諸傳而遺此不編斯亦網漏吞
舟過為迂濶者觀東漢一代賢明婦人如秦嘉妻
徐氏動合禮儀言成規矩毀形不嫁哀慟傷生此
則才德兼美者也董祀妻蔡氏載誕胡子受辱虜

廷文詞有餘節概不足此則言行相垂者也至蔚
宗後漢傳標列女徐淑不齒而蔡琰見書欲使彤
管所載將安准的裴幾原剛畧宋史時稱簡要至
如張禕陰受君命戕賊零陵乃宗道不移飲鴆而
絕雖古之鉏麇義烈何以加諸鮑昭文宗學府馳
名海內方於漢代褒朔之流事皆闕如何以申其
褒獎夫天下善人少而惡人多其書名竹帛者益
惟記善而已故太史公有云自獲麟以來四百餘
年明主賢君忠臣死義之士廢而不載余甚懼焉

虞山正統不
能一既林知

即其義也。至如四凶列於尚書，三叛見於春秋，西漢之紀，江充、石顯、東京之載，梁冀、董卓，此皆干紀亂常，存滅興亡所繫。既有關時政，故不可闕書。但近史所刊，有異於是。至如不才之子、羣小之徒，或陰情醜行，或素飡尸祿，其惡不足以曝揚其罪，不足以懲誡，莫不搜其鄙事，聚而為錄，不其穢乎？抑又聞之，十室之邑，必有忠信，而斗筭之才，何足算也。昔漢傳之有傳，寬、斬、歙、蜀志之有許、慈，宋書之虞、丘、進、魏、史之王、憶，若斯數子者，或才非拔萃，或

行不逸羣。徒以片善取知。微功見識。闕之不足為
少。書之維益其累。而史臣皆責其譖狀。徵其爵里。
課虛成有。裁為列傳。不亦煩乎。語曰。君子於其所
不知。益闕如也。故賢良可記。而簡牘無文。斯乃登
所不該。理無足咎。至若愚智畢載。妍媸靡擇。此則
燕石妄珍。齊竽混吹者矣。夫名刊史冊。自古攸難。
事列春秋。哲人所重。筆削之士。其慎之哉。

史記高陽氏有才子八人。世謂之八愷。高辛氏
有才子八人。世謂之八元。舜舉八愷。使主后土。
舉八元。使布五教于四方。
史記伯翳之裔曰中。滿在西戎。生蜚廉。蜚生惡

未惡來有力。蜚廉苦走。父子俱以才力事紂。

史記武王克紂。散宜生問天。皆執劍以衛武王。

既入。立于社南。

史記由余其先晉人也。戎王聞繆公賢。使由余

往觀之。繆公厚禮由余。以女樂遺戎王。由余歸

數諫。不聽。乃去秦。

會稽典錄范蠡字伯越之上將軍也。本楚宛三

戶人。史記范蠡事越王。苦身戮力。深謀二十年。

竟滅吳。報會稽之耻。

吳越春秋大夫種姓。文名種。字子禽。荆平王時

為宛令。史記句踐欲使范蠡治國。蠡曰。鎮撫國

家。就附百姓。蠡不如種。于是舉國政屬大夫種。

到向新序。寧戚為商。賃車以適齊。暮宿郭門外。

桓公出郭。迎客。辟賃車者。嚴飯牛車下。扣牛角。

疾而歌。公聞而異之。曰。此非常人也。命後車載

之。見而大悅。授以為卿。

史記司馬穰苴由完之內裔也。景公時。晉伐阿。

甄而燕侵河上。晏嬰為穰苴敗燕。晉之師。尊為

大司馬其後戚王使人之追論古者兵法而附
穰苴其中因號司馬穰苴兵法
前漢書文帝立封太后弟薄昭為軹侯後以殺
漢使者帝不忍加誅使公卿從之飲欲令自引
分昭不肯使羣臣喪服往弔之乃自殺
前漢書楊僕宜陽人以千夫為吏南越反拜樓
船將軍有功封將梁侯
漢武故事武帝薨過郎署見一郎鬚眉皓白問
何時為郎何其老也對曰臣姓顏名驎以文帝
時為郎文帝好文而臣好武景帝好老而臣尚
少陛下好少而臣已老是以不遇上感其言擢
為會稽都尉
魏志桓範字元則司馬宣王起兵收曹爽範說
爽引車駕幸許昌招外兵爽兄弟猶豫未決範
哭曰曹子丹佳人生汝兄弟犢耳何圖今日坐
汝等族滅矣遂并誅
文士傳何植字元幹廬江人入晉為尚書光祿
大夫

昔書許詢字玄度高陽人魏中領軍允玄孫也風情簡素辟司徒掾不就卒

幽明錄隴西秦嘉字士會雋秀之士婦曰徐淑亦以才美流譽桓帝時嘉為曹掾淑歸家晝卧流涕嫂怪問之曰適見嘉自說往津御亭病亡二客俱一客守喪一客負書還日中常至舉家大驚書至事如夢

後漢書陳留董祀妻蔡邕之女也名瑛字文姬適河東衛仲道興平中天下喪亂為胡騎所獲生沒于左賢王生二子曹操與邕善乃遣使以金幣贖之而重嫁于祀

書張祚吳郡人恭帝為瑯琊王祚為郎中及帝踐作劉裕以祚為帝故吏帝親信之封樂酒一畧令祚鵠帝祚受命而嘆曰鵠君以求生何而目視息世間哉因自飲而死春秋左傳晉靈公不君宣子驪諫公患之使鉏麇賊之展往寢門闢矣戎服將朝尚早坐而假寐麇退而嘆曰不忘恭敬民之主也賊民之主

不忠。君之命不信。有一于此。不如死也。遂觸槐而死。

宋書鮑昭字明遠。東海人。為臨海王子瑱參軍。子瑱敗。為亂兵所殺。

春秋左傳昭公三十一年。邾黑肱以濫來奔。賤而書名。重地故也。君子曰。邾庶其莠。牟夷邾黑。以土地出。求食而已。不求其名。賤而必書。所以懲肆而去貪也。是以春秋書齊豹曰盜。數惡。

無禮。其善志也。

後漢書梁冀字伯車。商之子。順帝時拜大將軍。

鸛質帝崩。復定策立桓帝。以驕橫誅。

火記傳寬以五大夫騎將從擊項籍。封陽陵侯。

斬敵以中涓從。封信武侯。

蜀志許慈字仁篤。南陽人。後主時稍遷至大長。

秋。

南史虞丘進字豫之。東海郯人。隨謝玄討苻堅。

有功。封關內侯。

北史王愔字顯則。北海劇人。皇始中歸魏。道武。

見之曰此王猛孫也厚禮待之歷官并州刺史
關子曰宋之愚人得燕石于梧臺之東歸而藏
之以為寶周客聞而觀焉掩口而笑曰與瓦甃
不殊

韓子南郭處士為齊宣王吹竽王悅之廩食以
數百人湣王立好一一而聽之處士逃

補注

史記秦本紀晉獻公虜虞君與其大夫百里奚
以為秦繆公夫人媵于秦百里亡秦走宛楚鄙
人執之繆公以五羖羊皮贖之當是時襄年已
七十繆公釋其囚問語三日授之國政

孫端綬佩章
景緯揆基校

史通訓故補卷之八終